



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XIV. Quod Provinciales Ordinis B. M. de Mercede Redemptionis Captivorum
Discalceatorum in sine triennii sui Officii Provincialatus, administrationis,
& gubernii rationem Vicario Generali reddere ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

XIII.

Constitutio ut Officium, & Missa Conceptionis B. Mariæ Virginis immaculatæ cum octava in Urbe, ac universa S. R. E. temporali ditione de præcepto recitetur.

Edita An. D. 1667.

CLEMENS PAPA IX.

Ad perpetuam rei memoriam.

Sincera nostra erga gloriosissimam Virginem Dei genitricem Mariam, patronam, & advocatam, devotio planè exigit, ut piis nonnullorum ex venerabilibus fratribus nostris S. R. E. Cardinalibus, aliorumque Antistitum, qui Ecclesiis in temporali nostra & Sedis Apostolicæ ditione consistentibus præsent, ac Christi fidelium tam Almam Urbem nostram, ex qua bonorum operum exempla in omnes Christiani Orbis partes assidue promanant, quam cæterarum Civitatum, Oppidorum, & locorum Nobis & dictæ Sedi in temporalibus subditorum votis paterno affectu annuentes, ejusdem Augustissimæ Cæli Reginae venerationem in terris quantum Nobis ex alto conceditur, ampliare studeamus.

Concedit prout in Rubric.

§. 1. Itaque ut tam in Urbe prædicta, quam in cæteris Civitatibus, & Diocæsis, Oppidis, Terris, & locis, etiam nullius Diocæs. Nobis & Sedi prædictæ in temporalibus mediâ, vel immediatè subjectis tum à secularibus, tum à Regularibus utriusque sexus, qui horas Canonicas recitare tenentur, Officium, & Missa Conceptionis Beatæ Mariæ Virginis immaculatæ cum octava in posterum de præcepto recitetur, cum lectionibus in Octavario Romano à Congregatione venerab. fratrum nostrorum ejusdem S. R. E. Cardinalium sacris Ritibus præpositorum approbato contentis, & à die octava ad 15. Decemb. ritè dispositis, auctoritate Apostolica tenore præsentium mandamus, & decernimus.

Jubet imprimi.

§. 2. Idemque Officium ad usum Cleri Urbis, ac Civitatum, Diocæsium, Oppidorum, Terrarum, & locorum prædictorum seorsim ab Octavario Romano imprimi posse concedimus.

Contrariis derogat.

§. 3. Non obstan. Constitutionibus, & ordinationibus Apostolicis, cæterisque contrariis quibuscumque.

Transumptorum fides.

§. 4. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem profus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

D. P. An. 1. 21. Octob.

Datum Romæ apud S. Mariam Majorem sub Annulo Piscatoris, die 21. Octobris 1667. Pontificatus Nostri Anno primo.

XIV.

Quod Provinciales Ordinis B. M. de Mercede Redemptionis Captivorum Discalceatorum in fine triennii sui Officii Provincialatus, administrationis, & gubernii rationem Vicario Generali reddere teneantur.

Edita A. D. 1667.

CLEMENS PAPA IX.

Ad futuram rei memoriam.

Causa hujus Const.

Aliàs pro parte dilecti filii Procuratoris Generalis Fratrum Ordinis B. Mariæ de Mercede Redemptionis Captivorum Discalceatorum nuncupatorum Congregationi Venerab. fratrum nostrorum S. R. E. Cardinalium negotiis, & consultationibus Episcoporum, & Regularium præ-

positæ, exposito quod propter minus rectam administrationem quorundam Provincialium Provinciarum d. Ordinis interdum notabile Conventibus tam in spiritualibus, quam in temporalibus præjudicium sequebatur; ipseque Procurator Generalis propterea cupiebat committi Vicario Generali ejusdem Ordinis, ut per se ipsum, vel per suos Commissarios, & Visitatores unumquemque Provinciale in fine sui triennii visitaret, emanavit ab eadem Congregatione Decretum tenoris qui sequitur, videlicet.

Decretum Sac. Congr.

§. 1. Sacra Congregatio Eminentissimorum S. R. E. Cardinalium negotiis, & consultationibus Episcoporum & Regularium præposita, attentis narratis, & ne Conventus Ordinis hujusmodi ex mala administratione, seu minus accurato gubernio in spiritualibus, aut temporalibus detrimentum patiantur, censuit committen. prout præsentis decreto committit Vicario Generali nunc, & pro tempore existen. ejusdem Ordinis ut in posterum singulos Provinciales in fine triennii eorum officii Provincialatus, per se, vel per suos Commissarios, aut Visitatores visitet, eosdemque Provinciales, & quemlibet eorum suæ administrationis, & gubernii rationem reddere compellat, Contrariis quibuscumque non obstantibus. Romæ prima Aprilis 1667. M. Card. Ginettus.

Approbat. & confirmat.

§. 2. Cum autem sicut dictus Procurator Generalis, nobis nuper exponi fecit, ipse Decretum hujusmodi pro firmiori illius subsistentia Apostolicæ confirmationis nostræ patrocinio communiri summopere desideret. Nos ipsum Procuratorem Generalem specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innotatus existit, ad effectum præsentium dumtaxat consequendum harum ferie absolventes, & absolutum fore censentes hujusmodi supplicationibus ejus nomine Nobis super hoc humiliter porrectis inclinati. Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, Salva tamen semper in præmissis auctoritate prædictæ Congregationis Cardinalium.

Decretum irritans.

§. 3. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis, ad quos spectat, & pro tempore spectabit, inviolabiliter observari. Sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate, scienter, vel ignoranter contigerit attentari.

Contrariis derogat.

§. 4. Non obstan. Constitut. & Ordinationibus Apostolicis, ac quatenus opus sit, dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & ad verbum inferitis habentes, illis aliàs in suo robore permansuris ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Dat. P. An. 1. die 22. Oct.

Dat. Romæ apud Sanctam Mariam Majorem sub Annulo Piscatoris, die 22. Octobris 1667. Pontificatus nostri Anno primo.

Revocatio